

Na osnovu Zakona o građevinskom zemljištu Federacije Bosne i Hercegovine (« Sl.novine FBiH », broj 25/03,16/04 i 67/05), člana 363. Zakona o stvarnim pravima («Službene novine Federacije BiH» 66/13, 100/13), člana 2. i 3. Pravilnika o postupku javnog konkursa za raspolaganje nekretninama u vlasništvu Federacije BiH, Kantona, Općina i Gradova («Službene novine Federacije BiH» br.17/14), člana 7. Odluke o građevinskom zemljištu Općine Stari Grad (« Sl.novine Kantona Sarajevo »,broj:7/15) i člana 6.Odluke o načinu i uslovima prodaje neizgrađenog gradskog građevinskog zemljišta (« Sl.novine Kantona Sarajevo », broj 3/15), Načelnik Općine Stari Grad Sarajevo, objavljuje

PONIŠTAVA

Javni konkurs za prodaju neizgrađenog gradskog građevinskog zemljišta radi izgradnje stambeno-poslovnih objekata na lokalitetu Streljačka, objavljenog dana 13.05.2015. godine u listu "Dnevni avaz" i na web stranici Općine Stari Grad Sarajevo, **te objavljuje novi**

JAVNI KONKURS

za prodaju neizgrađenog gradskog građevinskog zemljišta, lokalitet Streljačka,putem javnog nadmetanja-licitacija u svrhu izgradnje stambeno- poslovnih objekata

I. PREDMET JAVNOG KONKURSA

Raspisuje se Javni konkurs za prodaju neizgrađenog gradskog građevinskog zemljišta putem javnog nadmetanja radi izgradnje stambeno-poslovnih objekata, a prema regulacionom planu "Prostorne cjeline -Gazijin han", na zemljištu označenom kao k.č.1142 površine 8354m2 i k.č.1143 površine 156m2, obje ko Sarajevo-Mahala LXXXIII (stari premjer), što po novom premjeru odgovara k.č.547/1 i k.č.548/3 ko Sarajevo II.

II. URBANISTIČKO-TEHNIČKI USLOVI

- 1) Vrste i obim radova: izgradnja stambeno-poslovnog naselja
- 2) Tip gradnje: čvrsta građa
- 3) Gabarit objekta: Regulacionim planom je utvrđena izrada urbanističkog projekta I precizirani urbanističko-tehnički uslovi u kojoj je predviđena izgradnja objekata stambeno-poslovne namjene , spratnosti max S+VP+2 sprata

- Gabariti objekta će biti poznati nakon izrade i usvajanja Urbanističkog projekta
- 4) Ukupna bruto građevinska površina iznosi BGP=13.000,00m²
 - 5) Prilaz: iz ulice Streljačka, pa preko budućih internih saobraćajnica kroz lokalitet koji će takođe biti poznat nakon donošenja Urbanističkog projekta
 - 6) Obrada i materijal: savremeni građevinski materijali

III. NAKNADA

Početna tržišna prodajna cijena zemljišta u površini od 8.510m², prema stručnom nalazu sudskog vještaka građevinske struke, kao i prema nalazu Komisije za utvrđivanje prometne vrijednosti nepokretnosti i prava Općine Stari Grad za V stambenu zonu iznosi po 680.800,00 KM.

Kapara za učešće u postupku javnog nadmetanja se utvrđuje u iznosu od 10% od početne prodajne cijene zemljišta u iznosu od 68.800,00 KM i ista će se uplatiti na žiro račun Općine Stari Grad broj 1820000357119552 sa naznakom na uplatnici-Polog za učešće po javnom konkursu.

IV. OBAVEZE INVENSTITORA

- Obavezuje se kupac -investitor da o svom trošku izradi Urbanistički projekat "Stambeno-poslovna zona"-Gazijin han, kojim će biti obuhvaćeni urbanističko tehnički uslovi koji se odnose na zonu, veličine 13.000m². Izradu Urbanističkog projekta će izvršiti Zavod za planiranje razvoja Kantona Sarajevo, a cijena izrade plana je 97.200,00KM.
- Obavezuje se kupac – investitor da nakon izrade Urbanističkog projekta u roku od 15 dana podnese zahtjev za izdavanje urbanističke saglasnosti,
- Obavezuje se kupac – investitor da u roku određenim rješenjem u postupku izdavanja urbanističke saglasnosti plati naknadu za prirodnu pogodnost građevinskog zemljišta (renta), u skladu sa važećim propisima na dan donošenja rješenja o naknadama.
- Obavezuje se kupac- investitor da obezbjedi u objektu sklonište, ili prije izdavanja odobrenja za građenje plati naknadu za izgradnju istog u iznosu od 1% od građevinske vrijednosti objekta u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća ("Sl.novine Federacije BiH", broj:39/03,22/06 i 43/10).
- Obavezuje se kupac- investitor da u roku od 1 godine po dobivanju urbanističke saglasnosti podnese zahtjev za izdavanje odobrenja za građenje.
- Obavezuje se kupac-investitor da u roku od 1 godine od izdavanja odobrenja za građenje izvede pretežan dio radova na građevini, te da istu završi u roku od tri godine.

Učesniku u javnom nadmetanju koji ne ostvari pravo na kupovinu zemljišta uplaćena kapara će se vratiti u roku od osam (8) dana od dana zaključenja postupka javnog nadmetanja.

Sa učesnikom licitacije čija je ponuda utvrđena kao najpovoljnija, zaključit će se odgovarajući kupoprodajni ugovor u formi notarski obrađene isprave, u kojem će se regulisati međusobna prava i obaveze u pogledu kupoprodajne cijene, prenosa vlasništva i posjeda i propisanih naknada iz ove Odluke, a uz pribavljeno mišljenje Općinskog pravobranilaštva Općine Stari Grad.

Ako učesnik javnog nadmetanja odustane od zaključenja ugovora, gubi pravo na povrat kapare.

Učesnik u javnom nadmetanju čija je ponuda prihvaćena kao najpovoljnija, dužan je utvrđenu (kupovnu) cijenu za predmetno zemljište (uz umanjenje plaćene kapare), uplatiti u roku od 15 dana od dana zaključenja ugovora o prodaji.

Ukoliko kupac ne plati ugovorenu kupoprodajnu cijenu, smatrat će se da jednostrano raskinuo kupoprodajni ugovor i gubi pravo na povrat kapare.

Kupac se može uknjižiti kao vlasnik i preuzeti u posjed kupljenu nekretninu tek nakon što prodavcu Općini Stari Grad u propisanom roku uplati cjelokupnu prodajnu cijenu uz utvrđene naknade u rješenju o urbanističkoj saglasnosti.

V. PRIJAVA NA JAVNI KONKURS

- Prijavu na Javni konkurs mogu podnijeti sva pravna i fizička lica,
- Izvod iz sudskog registra za privredno društvo,
- Prvenstvo za prodaju zemljišta radi izgradnje stambeno-poslovnog naselja na lokalitetu Streljačka, ima onaj ponuđač koji ponudi najveću cijenu u odnosu na početni iznos naknade navedene u konkursu,
- Javni konkurs provodi Komisija za provođenje Javnog konkursa, koju je imenovalo Općinsko vijeće,
- Prijava na Javni konkurs-licitacija sa dokazima za ispunjavanje uslova, podnosi se na protokol Općine Stari Grad, ili putem pošte sa naznakom “ne otvaraj-prijava na Javni konkurs”,
- Prijava sa ponudom predaje se u zapečaćenoj koverti na kojoj je naznačena šifra učesnika Javnog konkursa-licitacija, uz priloženu posebno zapečaćenu kovertu sa šifrom koja sadrži podatke o identitetu,
- Učesnik Javnog konkursa-licitacije dužan je sa danom predaje dokumenata za učešće na Javni konkurs uplatiti 10% od početne cijene zemljišta u iznosu od 68.800,00 KM na žiro račun Općine Stari Grad broj 1820000357119552, sa naznakom na uplatnici -Polog za učešće po javnom konkursu,
- O javnom otvaranje prijava na Javni konkurs učesnici licitacije biti će naknadno obavješteni pisanim putem od strane Službe za imovinsko pravne, geodetske poslove-katastar i stambene poslove
- Svakom učesniku vrijedi njegova ponuda sve dok se ne da veća ponuda,
- Sa učesnikom licitacije čija je ponuda utvrđena kao najpovoljnija zaključuje se odgovarajući ugovor u formi notarski obrađene isprave.
- Osnovni kriterijum za izbor najpovoljnijeg ponuđača je visina ponuđene cijene u postupku javnog nadmetanja.

- Ako učesnik licitacije nastupa kao punomoćnik, treba priložiti punomoć za zastupanje u formi notarski obrađene i ovjerene isprave

- Sve informacije vezano za predmetni Konkurs možete dobiti u kancelariji 214/II-Služba za imovinsko pravne poslove

Ovaj Javni konkurs će se objaviti u dnevnim novinama “Avaz” i na web stranici Općine Stari Grad Sarajevo i ostaje otvoren 15 dana od dana objavljivanja, zaključno sa 15 danom.

Općina Stari Grad zadržava pravo da poništi ovaj Javni konkurs i ne snosi nikakvu odgovornost prema učesnicima komkursa.

Broj: 09-05-4245/15

Općinski Načelnik
mr.Ibrahim Hadžibajrić, s.r.